



VODOVOD I KANALIZACIJA

JAVNO KOMUNALNO PREDUZEĆE
75000 TUZLA, KULINA BANA 2

TUZLA

TELEFONI: ++387/35, Direktor: 369-844; fax: 369-851, Dežurna služba: 369-800, 369-801, Rukovodilac RJ Vodosnabdijevanje: 369-808, Rukovodilac R.J. Održavanje: 369-816, Rukovodilac pogona kanalizacija: 369-803, Tehnička služba: Rukovodilac 369-807, priključci 369-810, 369-814, Služba za obračun i očitavanje vodomjera: Rukovodilac 369-831, reklamacije i prigovori: 369-836, 369-837, Rukovodilac finansijske službe: 369-825, Rukovodilac knjigovodstva: 369-827, Rukovodilac službe nabave: tel/fax 369-860, Pravna služba: 369-841, 369-843.
TRANSAKCIJSKI RAČUNI: 132-100-01650101-03 NLB banka, 338-300-22500471-33 UniCredit bank d.d., 161-025-00236400-14 Raiffeisen bank d.d. BiH, 199-050-00061658-03 Sparkasse bank, Filijala Tuzla, POŠTANSKI PRETINAC: 161:
IDENTIFIKACIONI BROJ: 4209042590003, IDENTIFIKACIONI BROJ KOD UHO: 209042590003, Upis u sudski registar: UJ – 3241/97 Kantonalni sud Tuzla.

Tuzla, 01.11.2018..godine

Broj: 683/18

Na osnovu člana 100. Stav 3. Zakona o javnim nabavkama Bosne i Hercegovine ("Sl. glasnik BiH broj 39/14) direktor JKP Vodovod i kanalizacija d.o.o. Tuzla a na preporuku komisije za javne nabavke, donosi

ODLUKU **o poništenju postupka nabavke**

Član 1.

*Poništava se postupak javne nabavke po Konkurentskom zahtjevu broj: 1149-7-1-62-3-37/18 **Potopna pumpa za otpadnu vodu sa upravljačkim ormarom za potopnu pumpu za otpadnu vodu** objavljen dana 18.10.2018.godine na portalu Agencije za javne nabavke BiH, iz razloga što je na tendersku dokumentaciju izjavljena žalba koju ugovorni organ smatra osnovanom, te obzirom da treba izvršiti suštinske izmjene iste potrebno je postupak poništiti, a sve u skladu sa članom 100. stav 3) Zakona o javnim nabavkama BiH.*

Član 2.

Odluka će se objaviti na internet stranici JKP Vodovod i kanalizacija Tuzla, u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 6468/18 od 18.10.2018 godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 55.000,00 KM.

*Konkurentski zahtjev za javnu nabavku roba broj: 1149-7-1-62-3-37/18 – **Potopna pumpa za otpadnu vodu sa upravljačkim ormarom za potopnu pumpu za otpadnu vodu** objavljen je dana 18.10.2018.godine na portalu Agencije za javne nabavke BiH.*

Dana 29.10.2018.g. ponuđač ELCOM d.o.o. Tuzla izjavio je žalbu na tendersku dokumentaciju, te je ugovorni organ nakon zaprimanja žalbe, a na dan otvaranja ponuda 30.10.2018.g., obavjestio sve ponuđače, koji su preuzeli tendersku dokumentaciju, o suspenziji postupka do odluke o žalbi.

Ugovorni organ je nakon utvrđivanja da je žalba blagovremena, dopuštena i izjavljena od ovlaštenog lica pristupio razmatranu žalbenih navoda.

Razmatrajući navode žalbe ugovorni organ je zaključio da su isti osnovani.

Naime, podnosilac žalbe navodi da tenderska dokumentacija nije sačinjena u skladu sa članom 9. Stav 4 tačka(d) Uputstva za pripremu modela tenderske dokumentacije i ponuda gdje se propisuje da Obrazac za ponudu sadrži, između ostalog, podatke o podizvođačima ako je moguće i/ili podatke o dijelu ugovora o javnoj nabavci, ako se dio ugovora o javnoj nabavci daje u podugovor.

Obzirom da predmetna tenderska dokumentacija u Obrazcu za ponudu ima opciju da se ponuđači izjasne da li nastupaju kao zajednica ponuđača ili žele dio ugovora dati podugovaraču, ali nema rubriku u kojoj bi ponuđač koji želi dati dio ugovora podugovaraču mogao upisat obim ili procenat koji daje podugovaraču, sastavni dio predmetne tenderske dokumentacije bio je Prilog 4, koji podnosilac žalbe i osporava.

Kako ponuđači koji žele dio ugovora dati podugovaraču su dužni u skladu sa članom 73. Zakona o javnim nabavkama i članom 9. Stav 4 tačka(d) Uputstva za pripremu modela tenderske dokumentacije i ponuda, izjasniti se u kojem obimu ili procentu namjeravaju dati dio ugovora podugovaraču, ugovorni organ je previdio da se o istom izjasne u Prilogu 4, koji je bio dio predmetne tenderske dokumentacije.

Međutim kako osporavani Prilog 4 u svom tekstu spominje grupu ponuđača, a ne podugovarače isti je doveo do konfuzije i predmetna tenderska dokumentacija je samim tim nejasna u pogledu da li Prilog 4 treba da popune ponuđači koji zajednički nastupaju ili ponuđač koji daje dio ugovora podugovaraču.

Iako se kroz sadržaj tenderske dokumentacije odnosno tačke 12.1 i 12.2, gdje je pojašnjeno šta je potrebno ukoliko ponuđači nastupaju kao zajednica ponuđača, te šta je potrebno ukoliko ponuđač želi dio ugovora dati podugovaraču, moglo zaključiti da se Prilog 4 odnosi na podugovarače, ili se eventualno moglo tražiti pojašnjenje tenderske dokumentacije, ipak smatramo da je žalba osnovana jer ponuđači koji su namjeravali podnijeti ponudu kao zajednica ponuđača ili kao Ponuđač koji želi dio ugovora dati podugovaraču, su zbog Priloga 4 koji po svom tekstu upućuje na zajednički nastup, a po sadržaju na podugovarače, dovedeni u nepovoljan položaj zbog navedenih nejasnoća.

Imajući sve navedeno u vidu smatramo da je potrebno poništiti postupak na osnovu uložene žalbe kako bi se tenderska dokumentacija u tom smislu precizirala i kako bi svi ponuđači bili u ravnopravnom položaju.

Na osnovu svega navedenog, a u skladu sa odredbom člana 100. Stav (3) Zakona o javnim nabavkama BiH (Sl.glasnik BiH 39/14), donesena je Odluka kao u dispozitivu.

Napomena: Sve ponude zaprimljene na protokol Ugovornog organa će biti neotvorene vraćene ponuđačima kako bi mogli svoje ponude prilagoditi izmjenjenoj tenderskoj dokumentaciji koja će biti objavljena u ponovljenom postupku.

Pravna pouka:

Protiv ove Odluke može se podnijeti žalba ugovornom organu Vodovod i kanalizacija javno komunalno preduzeće Tuzla u roku od 5(pet) dana od prijema ove Odluke.


Direktor
mr. sci. Berbić Aid, dipl. pravnik

Dostaviti:

- Nabavnoj službi
- Ponuđačima
- a/a